

# Remdesivir

Whakahua 'rem-DE-si-vir'



He rongoā ārai huaketo te remdesivir ki ētahi tāngata hei āwhina ki te whawhai i tētahi whakapokenga huaketo KOWHEORI-19. Ka āwhina pea kia tere pai haere ake koe, ā, kia kua e kuhu ki te hōhipera.

Ka whai take anake te remdesivir ina tukuna i roto i te 7 rā o te tīmatanga o tō mate KOWHEORI-19. Ka whakatau tō rōpū hauora mēnā me whiwhi koe i tēnei, kāore rānei.

## Ka tukuna te remdesivir mā te weronga pōturi



KOTAHI te weronga o te remdesivir i te rā, ko te tikanga mō te 3 rā.



Ka whāngaia ki tō ia auraki (ka kīia he whāngaia ā-iaia), i roto i te 30 ki te 120 meneti.



Ko te tikanga ka whiwhi koe i te whāngai ā-iaia i tō hōhipera, i tētahi wāhi hauora rānei.

## Te āta tiro tiro i te wā whāngai ā-iaia

Mō ētahi tāngata ka pā mai pea he tauhohenga, nō reira kā āta tiro tirohia koe i te wā whāngai ā-iaia, ā, me tētahi wā poto i muri mai.

Me whakamōhio atu koe ki tō rata, tō nēhi rānei mēnā ka pā tētahi o ēnei tohumate:

- te werawera, te wiriwiri rānei
- te whakapai ruaki, te ruaki
- te pōātinitini ina tū ana
- te kōpukupuku, te tīmohu, te hēmanawa rānei
- pupuhi te kanohi, korokoro, arero, ngutu, karu rānei.

Tērā pea me whakapōturi pea e tō rata, tō nēhi rānei i te whāngai ā-iaia, te whakamutu rānei i tō maimoatanga.



Mō ētahi atu mōhiohio mō te remdesivir, haere ki [hn.org.nz/remdesivir](https://hn.org.nz/remdesivir)

## He pānga kino tō ngā rongoā katoa

Ka pā mai pea i te remdesivir ngā pānga kino, engari kāore e pā mai ki ngā tāngata katoa.

### Ngā pānga kino noa

I te nuinga o te wā he ngāwari ēnei, ā, ka kore atu ā tōna wā ina mutu rānei te kai rongoā. Me kōrero atu ki tō rata mēnā ka pā raruraru koe i ēnei pānga kino, kāore e kore atu rānei:

- te māuiui (whakapairuaki)
- ānini māhunga
- kōpukupuku.

### Ngā pānga kino mokorea

Waea atu ki **111** mō tētahi waka tūroro mēnā ka kite koe i **ngā tohu o tētahi tauhohenga pāwera pērā** i te kiri kōpukupuku kino, pupuhi, koropuku rānei ngā kamo, ngā karu rānei, kanohi, ngutu, arero rānei.

Me kōrero ki tō rōpū hauora, ki a **Healthline** i **0800 611 116** mēnā ka kite koe i **ngā tohu kei te raruraru te ate pērā** i ngā karu kōwhai, kiri rānei, mimi hiwa, mamae, te ngau rānei o te wāhanga whakarunga o tō puku.

Me whakamōhio atu koe kei te whiwhi remdesivir koe.